



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Q. 11. A quo & quomodo taxandum sit stipendium pro Missa.

urn:nbn:de:hbz:466:1-42624

preces & eleëmofynas annexas anniversariis docet *Pasq.* q. 1170. contra *Tamb.* quia de illis non loquitur prohibitio, uti nec de istis Missis, ad quas sine stipendio congruo se homo privatus obligasset; id enim esset in præjudicium Ecclesiæ & successorum, *Pasq.* q. 1174. An autem Fratres Minores vi cujusdam privilegii possint etiam nunc reducere Missam, examinat idem *Pasq.* q. 1182.

122. Q. 10. An possit præscribi circa onera Missarum. R. Dixi de hoc l. 4. à n. 852. Hoc adde, quod Beneficiati, Capellani &c. non videantur posse præscribere, quò minùs applicent fructum Sacramentum Fundatoribus aliisque, ad quorum intentionem legere tenentur ex stipendio singulis Missis respondente, nam obligantur hunc semper in singulis Missis ob tale stipendium applicare, ergo non apparet, quomodo præscribere possent, cum singula stipendia, si debeant fieri ipsorum, postulent applicari singulas Missas, ita *Pasq.* q. 1194. & satis insinuaturn est l. 4. n. 833.

123. Q. 11. A quo & quomodo taxandum sit stipendium pro Missa. R. §. 1. Non est illicitum pacisci de stipendio pro Missa, & quando hoc videtur prohiberi, intelligi debet de pactione, per quam vendatur Missa pro pretio, *Gob.* n. 560. Possuntque etiam divites Sacerdotes, qui aliunde ex proventibus Ecclesiasticis sustentationem habent, exigere stipendium pro hoc ministerio Missæ, neque hoc prohiberi fuit, nisi quando vergebat in præjudicium pauperum, uti habet communissima cum *Pasq.* q. 905. *Adversa* q. 11. l. 17. §. secundò. *Gob.* n. 569. contra *S. Anton. Rich. Silv. Caj. Arm. Tol.*

§. 2. Quamvis *Trid. sess. 22. in Decreto de* 124.
obseru. in celebr. mandet, ut Episcopus contra
avaritiam Sacerdotum ordinet circa merce-
dem, conditiones & pacta pro Missis, Episco-
pus tamen non potest idem stipendium taxare
pro omnibus, nam si Missa sit cantanda aut le-
genda tempore vel loco incommodo aut lon-
gè distante &c. potest exigi majus stipendium,
Bonac. Lugo Resp. mor. L. 5. dub. 18. Aversa §.
septimò. Sporer n. 359. Potestque pro Missa so-
lenni exigi duplum vel triplum, quia longior
est & difficilior ac habet plures Ministros, maxi-
mè cum secundum dicta n. 49. probabile sit ha-
bere majorem efficaciam ex opere operato,
Pasq. q. 912.

§. 3. Episcopus spectatis circumstantiis po- 125.
test taxare rationale stipendium, ità ut excel-
sus sit injustus & restitui debeat, quamvis enim
stipendium non sit propriè pretium Missæ, quæ
in se est invendibilis, tamen imitatur rerum
pretia, ideoque debetur ex justitia ad sustenta-
tionem Sacerdotis, & quando negatur Sacer-
doti, qui celebravit, huic contra negantem con-
ceditur actio in foro externo, *Pasq. q. 904.* ergo
sicuti id, quod supra legitimum prenum accipi-
tur pro merce, debet restitui, ità hic, *Pelliz. Lug.*
suprà & De Euch disp. 21. s. 1.

§. 4. *Caj. Henriq. & alii* putant, solum illud 126.
stipendium esse justum, quantum requiritur ad
sustentationem unius diei, additque *Petr. Nav.*
nec lege, nec consuetudine posse minùs induci;
sed meritò sententiam illam rejiciunt *Suar.*
Vasq. Dicast. Gob. n. 563. quia per alia potest ac-
quiri victus quàm præcisè per laborem mediæ
horulæ; itaque hoc stipendium censeri de-

bet iustum, quod lege vel consuetudine est taxatum.

127. §. 5. Si illi, qui Missas petunt, sponte velint dare majus stipendium, frustra prohibebit Episcopus, ne sic detur, aut à Sacerdotibus acceptetur, dicent enim se non dare vel acceptare velut stipendium pinguius, sed merè ut aliquid gratis donatum, *Pelliz. Lugo, Pasq.* q. 929. Et similiter possunt Sacerdotes liberè acceptare stipendium minus taxato. Id unicum potest prohibere Episcopus, ne ex pacto plùs exigant Sacerdotes, vel solvant alii, hoc enim unum est contra reverentiam Missæ & habet speciem avaritiæ, *Lugo* suprà.

128. §. 6. Sacerdos non ideo potest plùs exigere pro Missa, quòd nunc omnia ad sustentationem necessaria sint cariora, nam etiam pecunia est hoc ipso carior & rarior secundùm *Sporer* n. 359. Et saltem praxis ac Episcopi id non permittunt.

129. Q. 12. Quid præterea notandum sit circa Missas pro stipendio. R. seqq. §. 1. Quamvis n. 50. dixerim probabile esse, quòd Sacerdos possit sibi retinere vel alteri applicare saltem partem fructus specialissimi, tamen celebrans pro stipendio debet habere talem intentionem, ut velit stipendium danti, hoc applicari, quod ei de jure debetur: Certum autem est, non posse ideo accipere duplicatum stipendium, nam *Alex. VIII.* damnavit hanc 8. prop. *Duplicatum stipendium potest Sacerdos pro eadem Missa licitè accipere, applicando petenti partem etiam specialissimam fructus ipsimet celebranti correspondentem, idque post Decretum Urb. VIII.*

130. §. 2. Quæ n. 66. & 97. dicta sunt de retinente partem